

**Համապարփակ և ընդլայնված գործընկերության համաձայնագրով ստեղծված
ԵՄ-Հայաստան քաղաքացիական հասարակության պլատֆորմի
համանախագահների հայտարարությունը**

21.09.2022 թ.

2022 թվականի սեպտեմբերի 13-ին ադրբեջանական զինուժը հարձակվել է Հայաստանի ինքնիշխան տարածքի վրա՝ ուղղակիորեն թիրախավորելով արևելյան և հարավ-արևելյան սահմանամերձ Գորիս, Կապան, Ջերմուկ, Վարդենիս և Սոթք քաղաքները և սահմանամերձ մի շարք գյուղեր՝ հարձակման ենթարկելով ինչպես ռազմական, այնպես էլ քաղաքացիական թիրախներն անխտիր: Այս հարձակման արդյունքում հայկական կողմից սպանվածների և անհայտ կորածների թիվը հասել է 207-ի (այդ թվում՝ 3 խաղաղ բնակիչ): Գերևարվել է 20 հայ զինծառայող: Տեղահանվածների թիվը հասել է գրեթե 3000-ի:

Սա Ադրբեջանի կողմից միջազգային իրավունքի, ներառյալ միջազգային մարդասիրական իրավունքի և ՄԱԿ-ի կանոնադրության հերթական կոպիտ խախտումն է 2020 թվականի սեպտեմբերի 27-ին Հայաստանի դեմ 44-օրյա պատերազմի մեկնարկից ի վեր:

Այս գործողությունները բացահայտ հակադրվում են 2020 թվականի նոյեմբերի 9-ին Հայաստանի, Ռուսաստանի և Ադրբեջանի միջև ստորագրված եռակողմ հայտարարությանը:

ԵՄ-Հայաստան քաղաքացիական հասարակության պլատֆորմն (ՔՀՊ) իր երախտագիտությունն է հայտնում Հայաստանի միջազգային գործընկերներին, այդ թվում՝ Եվրամիությանը (ԵՄ)՝ 2022 թվականի սեպտեմբերի 14-ի ժամը 20:00-ից սկսած հրադադարի հաստատմանն ուղղված անխոնջ ջանքերի համար: Մինևույն ժամանակ, Քաղհասարակության պլատֆորմը մտահոգություն է հայտնում մի շարք տեղեկությունների առնչությամբ, որ Ադրբեջանը ևս մեկ լայնածավալ հարձակում է նախապատրաստում Հայաստանի Հանրապետության ինքնիշխան տարածքի վրա՝ Նախիջանի ուղղությամբ¹:

Քաղհասարակության պլատֆորմն ընդունում և գնահատում է ԵՄ-ի շարունակական ջանքերը՝ երկու կողմերին բանակցությունների սեղան վերադարձնելու ուղղությամբ: Պլատֆորմը ողջունում է Հարավային Կովկասի հետ հարաբերությունների պատվիրակության նախագահի հայտարարությունը², ինչպես նաև իր հատուկ երախտագիտությունն է հայտնում Հայաստանում ԵՄ պատվիրակության ղեկավարին և ԵՄ անդամ պետությունների այլ ղեսպաններին սահմանամերձ Ջերմուկ քաղաք կատարած վերջին այցի համար՝ ի պաշտպանություն Հայաստանի ինքնիշխանության և տեղում իրավիճակին ծանոթանալու համար:

Մինևույն ժամանակ, քաղհասարակության պլատֆորմը կոչ է անում ԵՄ-ին.

- — դատապարտել Ադրբեջանի վերջին ագրեսիան Հայաստանի դեմ և պնդել, որ հրադադարիչը լիարժեքորեն պահպանվի.
- — պահանջել իրականացնել մարդու իրավունքների չարաշահումների և ոտնահարումների և պատերազմական հանցագործությունների բոլոր մեղադրանքների քննություն.
- — հստակ ուղերձ հղել, որ ուժի կիրառումը վտանգում է հարաբերությունների կայուն կարգավորումը տարածաշրջանում և անընդունելի է.
- — պահանջել անհապաղ ազատ արձակել բոլոր ռազմագերիներին, ներառյալ նրանց, որոնք գերհարվել են 2020 թվականի պատերազմի սկզբից ի վեր.
- — կազմակերպել ԵՄ բարձր մակարդակի այց Հայաստան և Ադրբեջան՝ իրավիճակը քննարկելու և միջազգային կառույցներում և ֆորումներում գործողությունները համակարգելու նպատակով:

Քաղհասարակության պլատֆորմը

- — կոչ է անում Հայաստանի կառավարությանը աշխատել ԵՄ-ի, ինչպես նաև այլ միջազգային կազմակերպությունների և գործընկերների հետ և ջանքեր գործադրել Հայաստանի և Ադրբեջանի սահմանին ՄԱԿ-ի խաղաղապահ ուժերի տեղակայման հասնելու համար:

Լուսինե Հակոբյան

Իոնուտ Սիբիան